

حائرة زينب اوي العائله
في امان الله يليث الغاضريه
وهذا دمع المصابي تهمله
راحله عنك يبو فاضل سبيه

ولانه هالشممر بععدك ولانه
نحل حتى الصخر حزني ولانه
غريبه وحائره بععدك ولانه
تخيلت ارحل بكيدي سبيه

شلبصر خويه بعديك شلبصر
خايغه ودمعاتي بعيوني جريه
منهو يكفاني بدروب اليسر
راحله عنك يبو فاضل سبيه

زينب ما نست طبعك وفضلك
وكلبها ما فضي الغيرك وفضلك
اميذك بين اخواني وفضلك
وتبكي انتة الوفي وغالي عليه

بي وصاك ابونا حيدر
شلون تتركني يجيدوم السريه
بظلك ابكي عزيزه مخدره
راحله عنك يبو فاضل سبيه

غريبه اختك يبو فاضل وكلمه
اعاتبك كالبك السدامي وكلمه
اذكرك تحرس الخدري وكل ما
انادي لك تجي بالحال لينا

شلون تاليها يوليني الشممر
اعتب وادري العتب جمرة لضييه
ويحدي ضغني بعد عينك زجر
راحلة عنك يبو فاضل سبيه

اسرنا بعديك الطباغي وسابنه
يخويه عوف هالنومه وسل ابنا
تعال احرس ضعن خوك وسل ابنه
عن ضميم الاسر بيد آل اميه

جم طفل عن ظهر ناگه وگع
وچم يتيمه تاهت وماتت ضميمه
وبجوافر هالخبول انصرع
راحلة عنك يبو فاضل سبيه

حائرة زينب اوي العائله
في امان الله يليث الغاضرية
وهذا دمع المصاب تهمله
راحله عنك يبو فاضل سبيه

حمانا تحفه من دمكم وشالنه
ولا ندرى الدهر حامل وشالنه
تركناكم على الغيرة وشالنه
سبايا من فيافي الغاضريه

نغصد الكوفة ايتام وحرّم
ندخل المجلس على الطاعي هديه
وانته مرمي يشيال العلم
راحله عنك يبو فاضل سبيه

فجيعه اهواي هالفركة وموره
يا ليت اگصد محل جسمك وموره
أعفر خدي بخدك وموره
أغسل طبرته بدمعه جريه

ليتنى بكر بلا اويكم اظل
ولا يسموني أسيره وخارجيه
ويندفن جسمي في هذا المحل
راحلة عنك يبو فاضل سبيه

يا ليت اوگع على جسمك واشملك
أحنى راسي بنحرك وشم لك
واطبع حزني بگلبيك وشم لك
ويظل تذكاري من هاي الرزيه

مسافره عنك اويي الضعن
وحدي ما عندي احد والتجي بفيه
والله يحرسنا من جور الزمن
راحله عنك يبو فاضل سبيه

يمن في الشدة اگصد له وسوره
مصابي فرح الشامت وسوره
بنات ايزيد في گصرو وسوره
وزينب تحتمني بظل المطيعة

أعتب وأدرى مفيد العتب
أدرى بحالك محمود السجيه
وأدرى دلالك يموج ابغضب
راحله عند يبو فاضل سبيه